



'Saya percaya mereka bijak'

KHALED (kiri) menemui mangsa banjir di Kampung Galing Besar.

Mefru (kanan) Jumat 11/1/13

Kuantan: "Saya percaya mereka (penuntut) cukup bijak untuk tentukan apa yang terbaik dan apa jadi keutamaan kerana sekarang ini (kebanyakannya) mereka sedang menduduki peperiksaan.

"Jika mahu menyertai perhimpunan itu (Himpunan Kebangkitan Rakyat) itu hak mereka, tetapi fikirlah apa keutamaan sebagai penuntut," kata Menteri Pengajian Tinggi Datuk Seri Mohamed Khaled Nordin ketika diminta

mengulas kemungkinan penyertaan penuntut Institusi Pengajian Tinggi (IPT) dalam Himpunan Kebangkitan Rakyat dijadualkan Sabtu ini.

Menurutnya, jika perhimpunan dianjurkan itu tidak mendapat permit, maka penuntut perlu sedar pembabitan mereka boleh dianggap sebagai haram.

Himpunan Kebangkitan Rakyat anjuran pembangkang itu dijadual berlangsung di Stadium Merdeka

esok dan pengajur mensasarkan sejuta orang menyertainya.

Mohamed Khaled berkata demikian selepas Majlis Penyampaian Sumbangan kepada Mangsa Banjir di Kampung Galing Besar, di sini, yang turut dihadiri Pemangku Naib Canselor Universiti Malaysia Pahang, Prof Datuk Dr Rosli Mohd Yunus dan Ahli Dewan Undangan Negeri (Adun) Teruntum, Datuk Chang Hong Seong. m's 36